

李文襄公奏疏

李文襄公奏疏目錄

題稿卷之二 督師

金嚴克捷恢復淳安縣

恢復義烏湯溪獲捷

嚴屬捷功

紹屬捷功恢復嵎縣諸暨縣

石梁捷功恢復東陽縣

題明守備員缺就近遴補

續報東陽湯溪捷功

密拏通賊廢弁葉日生等

題補援勦遊擊守備

金華山口鄭店報捷

招撫偽官杜日葵等投誠

請增設標兵

金華十二里莊大捷

衢州溝溪前墓山大捷

金華龍游報捷

金華竹園村李宅馬淵報捷

蘭谿東葉山嚴州威平鎮捷功

金華積道山大捷

嚴屬捷功恢復分水縣

請動餉銀購買戰馬

李文襄公奏疏卷二

男 鍾麟編次

金嚴克捷恢復淳安疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲塘報捷功事據援剿總兵官李榮嚴協副將鮑虎塘報各到臣該臣看得金華當溫處兩路之衝亟宜掃蕩賊氛以圖進取臣同平南將軍都統臣賴塔面授援剿總兵李榮方畧發在衢綠旗官兵令其統領前至金華該鎮揆知賊巢處所督同在金綠旗官兵

星夜進剿賊衆三千餘聚立木城據山守險官兵兩路設伏誘賊至平地三面夾擊陣殺一千餘人生擒一百五十三名得獲旗械甚多焚其木城其嚴州一路自恢復壽昌之後臣復飭令副將鮑虎進兵該副將率都守千把等官閭進等隨路攻剿破賊五營陣殺二百餘人賊衆據險拒守官兵兩路衝擊斬關直入殺賊數百人乘勝恢復淳安又入山搜剿賊巢斬賊百餘人奪獲旗械焚燬巢穴救回教官閭圻申井典史周懋麟家眷共二十九名口教官印信一顆前往遂安恢復各據塘報前來總兵李榮甫經受事已

震先聲副將鮑虎屢戰皆捷連復二縣俱見奮勇立功金巖兩處指日可平臣謹會同平南將軍都統臣賴塔合詞密

題伏乞

皇上睿鑒施行

康熙十三年八月十一日題奉

旨覽卿奏同將軍賴塔等遣發總兵官李榮率領官兵搜剿金華逆賊有功人員事平議敘已有旨了又副將鮑虎進剿嚴州逆賊連破五營恢復淳安入山搜剿焚燬賊巢救回教官等家口具見調度有方官兵奮勇可嘉

在事有功人員事平之日議敘具奏兵部知道



恢復義烏并湯溪獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲續報金屬捷功事據援剿總兵官李榮杭協副將陳世凱塘報各到臣該臣看得金華之義烏縣先爲賊兵竊踞自副都統臣喇哈兵馬經過剿殺之後賊復乘間盤踞臣與平南將軍都統臣賴塔密諭總兵官李榮先由義烏東陽一帶恢剿該總兵揆知賊在義烏二十七都地方隨即進兵於八月初七日有僞總兵恢復疆伯王國斌等賊衆萬餘列陣拒戰該總兵

分兵三路令金協副將牟大寅等首先衝鋒嘉興營  
守備晉大忠等出奇夾擊共斬賊一千七百有餘生  
擒一百一十三名得獲旗械四百餘件并偽劄關防  
晉大忠射死偽中軍都督成道元隨於八月初八日  
前往義烏近城處所逆賊偽張都督偽龔遊擊預在  
各山埋伏官兵衝擊斬賊二百餘人又分兵搜剿共  
殺賊六百餘人恢復縣城義烏縣知縣于漣率家丁  
隨軍征剿卽令安撫民人一面撥兵分守訖其湯溪  
縣有賊數千逼近城邑臣等原令杭協副將陳世凱  
駐兵金華就近警息卽令赴援該副將同江南遊擊

武榮等率兵至酤坊地方於八月初九日賊衆二千餘迎敵官兵三面奮擊斬賊五百二十三名生擒四十六名得獲馬匹旗械復於八月十一日會合湯溪蘭谿龍游防守千把李和李華等至厚大保地方賊衆約有三千踞山迎戰副將陳世凱撥兵設伏邀其後路兩面夾擊陣斬賊八百三十四人生擒九十三名內李和擒獲僞監軍道一名徐福龍各官擒殺僞千把總共四名得獲僞劄并旗械甚多查總兵李榮連捷二次擒斬逆賊共二千六百餘名副將陳世凱遊擊武榮等連捷二次擒斬逆賊共一千四百餘名

各官兵俱能同心協力奮勇立功其義烏知縣于連  
先經失守今偵揆賊蹤隨軍恢復并聽部議臣等仰  
賴

皇上天威捷音屢報地方漸次收復除嚴紹等處報捷情  
形另疏具

題外所有金華東西兩路塘報臣謹會同平南將軍都  
統臣賴塔合詞具疏密

題伏乞

皇上睿鑒施行

康熙十三年八月十八日題奉

旨覽卿奏遣發總兵官李榮率領官兵進剿逆賊斬殺甚  
多恢復義烏又副將陳世凱率領官兵擊敗湯溪逆賊  
斬殺甚多活擒僞監軍道具見調度有方將士奮勇可  
嘉事平議敘已有旨了餘着議奏該部知道

嚴屬捷功疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲續報嚴屬捷功事據嚴協副將鮑虎塘報到臣該臣看得嚴州之壽昌淳安先經恢復副將鮑虎進兵遂安賊衆數千登山列陣該副將督率撫標千總劉詔奮勇殺賊四百餘人并獲偽劄及旗械等件該副將乘勝追逐又斬賊三百餘人焚其巢穴救回知縣教官家口并教官印信已復遂安賊首汪琳等又勾合開化西安賊寇共五六千人逼犯縣城該副將率

兵前進賊衆拒守山隘官兵力戰經時殺賊五六十人賊始敗潰陣殺三百餘人乘勝窮追又殺賊百餘生擒三十餘名得獲旗械甚多查副將鮑虎半月之間連戰克捷各官兵竝能奮勇立功其遂安縣知縣劉從龍先經失守今隨軍進剿復城統候部議臣謹會同平南將軍都統臣賴塔合詞密疏會

題伏乞

皇上睿鑒施行

康熙十三年八月十八日題奉

旨覽卿奏副將鮑虎率領官兵進剿逆賊擒斬甚多恢復

遂安具見調度有方官兵奮勇可嘉在事有功人員事  
平之日議敘具奏餘着議奏該部知道



紹屬捷功恢復嵊縣諸暨疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲續報紹屬捷功事據紹協副將許捷署寧紹道事寧波府知府丘業提標中軍叅將洪起元紹興府知府許宏勳各塘報到臣該臣看得紹興一路先經賊兵襲破嵊縣提標叅將洪起元等同紹協官兵援剿於白米堰地方遇賊自蒿壩前來拒敵江南遊擊成國樞領兵遁至合力奮擊賊衆敗遁追至蒿壩各據報擒斬賊數并得獲旗械等件叅將洪起元進剿陶

家壤地方賊衆二千餘人分作兩股拒敵官兵力戰抄入賊陣三面衝擊賊復大敗陣殺六百餘人獲旗械共四百餘件進剿至樊江地方水陸奮擊復斬賊五百餘人江南遊擊成國樞等同紹興知府許宏勳前至嵯縣殺賊五六十人賊遂棄城遁去追逐入山已復縣城其諸暨縣先經副都統臣喇哈兵馬經過殺賊甚衆自官兵過後賊復糾聚竊踞縣城提標守備吳良駿定澉鎮標守備傅成等於八月初二日領兵攻進東門又於各門分兵截殺斬賊甚多恢復諸暨以上各官兵分路恢剿俱能奮勇立功其嵯縣知

縣張逢歡署諸縣縣事經歷楊光先經失守今隨軍協力復城合聽部議臣謹會同平南將軍都統臣賴塔合詞密疏會

題伏乞

皇上睿鑒施行

康熙十三年八月十八日題奉

旨覽卿奏參將洪起元等率領官兵進剿逆賊斬殺甚多恢復嵯縣具見調度有方將士奮勇可嘉事平議敘已有旨了餘著議奏該部知道

石梁等處捷功并恢復東陽疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲續報衢金兩路捷功事據臣標中軍副將王廷梅援勦總兵官李榮塘報各到臣該臣看得衢州航埠地方爲常山大路接連江山八月十九日揆有賊衆屯剗逼近臣等會發官兵副都統臣胡兔臣標中軍副將王廷梅統領前往至石梁地方賊衆二千餘迎敵副都統率領滿漢官兵從中路而進副將王廷梅率隨標効用左都督吳朝宰等守備傅鵬翔等從左

路而進副將李承恩率隨標左都督朱英等守備陳國任等從右路而進一齊奮擊陣斬逆賊一千餘人賊敗奔山遂圍山搜勦生擒僞官胡錦并賊六十一名得獲旗械一百餘件復進兵至大蒲源地方賊衆三千餘人對敵滿漢綠旗官兵前後夾擊殺賊二千餘人生擒三十名得獲馬匹旗械一百五十件援勦總兵官李榮恢復義烏之後於八月十三日進兵東陽逆賊千餘據截兩山之間該總兵率副將牟大寅等直前衝擊斬首一百二十餘級生擒二十一名得獲旗械八十餘件并涼蓬馬匹於次日抵東陽縣賊

遂棄城奔逃追殺四十餘人已復縣城金衢兩路官兵奮勇用命所向克捷臣謹會同平南將軍都統臣賴塔合詞密疏具

題伏乞

皇上睿鑒施行

康熙十三年八月二十二日題奉

旨覽卿奏遣發官兵進剿逆賊於石梁大溝源二處擊敗賊衆擒斬甚多又總兵李榮進剿逆賊恢復東陽具見調度有方將士奮勇可嘉事平議敘已有旨了兵部知道

題明守備員缺就近遴補疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題爲題明守備員缺就近遴員

請補以資防勦事竊惟逆賊四而逼犯衢郡臣與平南將軍都統臣賴塔齊集滿漢綠旗官兵論以忠義申以軍令各官兵無不奮勇爭先於七月初七日除畱守城外其餘綠旗官兵出城進戰及回軍時查有衢協右營守備程龍已奉調遣竟躲城內不出本日滿漢官兵三千有餘當數萬之賊惟賴將士用命以挫賊

勢獨程龍臨陣退縮其心難測臣當卽合同將軍臣賴塔公訊明白責以大義欽遵

勅書將程龍軍法從事理合

題明所遺員缺今衢州見在緊要不能候部推補查衢協右營千總夏必成歷任十一年五箇月有軍功紀錄三次先經原任督臣劉兆麒咨部候補部覆准以署守備管守備事註冊候考推用仍帶軍功紀錄三次等因在案該弁熟悉地方形勢如以就近陞補前缺實與人地相宜之例允符臣謹循例保

請統候部覆請



旨定奪除將千總夏必成先令委署守備程龍劄付另咨  
繳部千總夏必成履歷揭送兵部查核外臣謹會同  
撫臣田逢吉提督臣塞白理合詞具

題伏乞

勅下該部議覆施行

康熙十三年八月二十六日題奉

旨兵部議奏

續報東陽湯溪捷功疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲續報金屬殺賊情形事據援勦總兵官李榮臣標中營中軍守備朱知微等塘報各到臣該臣看得處州逆賊徐尙朝等聚合賊衆二萬攻圍東陽總兵官李榮以千餘之兵拒城力戰凡五晝夜副將牟大寅等投誠効用都督同知楊亨等守備晉大忠等並能竭力守禦但賊衆日增砲火雲梯圍攻愈迫杭協副將陳世凱同江南狼山遊擊武榮星馳赴援將士奮

勇爭先世凱首用大砲衝破賊陣城內官兵齊出夾擊賊衆大敗計斬殺二千餘人生擒一百五十餘名得獲砲火器械甚多焚燬賊營三十六座遊擊武榮親斬僞副將一員各官斬殺僞把總等俱獲有僞牌金協都司陳夢暘等亦從義烏赴援夾擊合兵回郡其湯溪地方先據該縣撲報賊寇出沒臣與平南將軍都統臣賴塔齊爾隨發官兵防剿逆賊僞林總兵等三千餘衆屯劄蘭峰保地方臣標守備朱知微隨征官王文魁紹協千總劉君明等領兵搜剿殺賊五百餘人生擒三十餘名得獲旗槍等械賊敗奔山復

追殺五十餘人東義官兵以寡敵衆固守解圍同心  
効命并湯溪殺賊情形臣謹會同平南將軍都統臣  
賴塔副都統臣喇哈胡兔合詞密

題伏乞

皇上睿鑒施行

康熙十三年九月初四日題奉

旨覽卿奏逆賊侵犯東陽總兵官李榮等力戰固守副將  
陳世凱等星馳赴援內外夾擊大敗賊衆斬殺甚多焚  
燬賊營三十六座擒斬偽副將等湯溪地方官兵搜剿  
賊衆得獲器械具見調度有方將士奮勇可嘉在事有

功人員事平之日議敘具奏兵部知道

密拏通賊廢弁疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲密拏通賊廢弁搜獲偽劄事據隨征福建布政司布政使李士楨詳稱奉本部院牌開照得原任湖廣天柱營叅將今革職回籍葉日生在湯溪縣地方借名團練招集土兵多人圖謀不軌當經本部院訪實差官密拏以靖地方隨據湯溪縣知縣張元會等於葉日生家搜獲偽劄看係偽驍騎將軍馬九玉所給葉日生副將偽印劄并獲解伊子葉廷魁同夥賊犯

童萬全張金文邵開運前來據此合行發審仰司卽  
將葉日生收藏偽劄及同夥賊黨嚴究確議具詳以  
憑會訊定奪等因奉此遵將葉日生一千賊犯提取  
到司研訊各口供招認情由該本司審看得葉日生  
於順治初年曾爲山寇劫掠湯溪龍游之間十三年  
前總督李部院

題明招安畱標効用康熙五年授湖廣靖州天柱營叅  
將之職康熙七年軍政以不謹回籍自當改邪歸正  
以贖前愆乃乘間疆耿逆作亂馬勝舊爲盟黨勾通  
葉爾玉等爲其線索投馬賊標下受副將偽劄所謂

鷹眼未化狼心猶存若非本部院威鎮明察預訪查  
拏人剗竝獲殲此渠魁苟有舉動則金衢一帶幾無  
寧宇或更甚於干總馬勝之爲禍今一朝敗露誠爲  
地方之厚幸耳日生等眞愍不畏法不待教而誅者  
也若邵開運曾否首知縣官應請行查定奪葉日生  
并子葉廷魁同夥張金文童萬全邵開運監候外其  
未獲夥黨及各犯家屬家產合請檄行該道府縣嚴  
密查拏照律審結擬合具由呈詳等因到臣該臣看  
得逆賊狡謀姦潛遣奸細勾結不軌之徒陰圖內應  
臣查有革職湖廣天柱營叅將葉日生住居湯溪縣



地方原與清湖逆賊馬勝同夥投誠之人恐其通賊  
爲變密行體察訪聞糾集多人借名保甲團練蹤跡  
可疑隨密諭該縣知縣張元會駐防紹協千總劉君  
明再加確探與臣訪聞無異臣立即差官設法擒拏  
并從伊家搜獲偽劄續據該縣查獲奸細張金文等  
申解前來審得葉日生同葉爾玉邵開運翁師侶童  
萬全商謀通賊所收受偽副將劄付係偽驍騎將軍  
馬九玉所給其張金文係馬逆所遣葉日生兩次令  
其通信訊供已確查廢弁葉日生包藏禍心約會賊  
兵陰圖內應臣預行防察又得該縣官弁登時飛報

遂先事發覺立即就擒得以消弭奸謀翦除近患其  
本犯脫逃之家口并未獲夥黨葉爾玉翁師侶等見  
在嚴拏外葉日生通賊情真并奸細張金文同謀童  
萬全相應請

旨正法其邵開運據供曾稟首該縣另有一邵開運尙在  
清湖見行該縣查明稟首情由再議其葉日生見在  
家口合聽部議臣謹會同平南將軍都統臣賴塔合  
詞密

題伏乞

皇上睿鑒

勅部議覆施行

康熙十三年九月十五日題奉

旨兵部議奏

題補援勦鎮標遊擊守備疏

總督浙江等處地方軍務兼理糧餉兵部右侍郎兼  
都察院右副都御史臣李之芳謹密

題爲特

請擢用原任鎮臣以資援勦仰祈

睿鑒事准兵部咨前事等因到臣該臣看得金衢援勦總  
兵官標下三營官員部議令臣

題補奉有

俞旨當此用兵之際將領必得才畧優長經歷戰陣者方  
克勝任臣於隨征各官按量功能再三斟酌該標應

設中左右三營遊擊各一員查有福建建寧副將中營遊擊王世望在臣軍前輯畧素嫻膽勇可任若以補鎮標中軍遊擊管中軍事銜缺相當其原任員缺俟恢復之時另候銓補臣標中營守備朱知微諳練軍務深得兵心擬陞補鎮標左營遊擊嘉興營守備晉大忠才勇出衆每戰必先擬陞補鎮標右營遊擊應設三營守備各一員查有杭協城守營千總景一清臣標左營千總滕龍紹協千總劉君明竝才技兼優勤勞戰守景一清擬補中營守備滕龍擬補左營守備劉君明擬補右營守備其臣標中營守備員缺

查有嘉興營千總李和勇畧有餘堪以陞補其嘉興  
守備員缺查有臣標千總薛受益才能歷練堪以陞  
補以上各官論其銜俸或有未及但俱係奮身血戰  
屢有功績正當封疆有事必得可用之人仰祈

皇上允臣所請以鼓用命則各官愈加勉力將士共知奮  
勵矣至三營各應設千總二員把總四員見在遴選  
拔補咨達兵部其三營每營兵一千名內應設馬兵  
一百名步戰兵四百名守兵五百名見在陸續募補  
應支月餉行糧卽於見撥餉內支給

奏銷總兵官李榮應領

王命旗牌及中軍遊擊關防請

勅部照例查給臣謹密疏具

題伏乞

睿鑒施行

康熙十三年九月十五日題奉

旨兵部議奏

金華山口鄭店報捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲塘報捷音事康熙十三年九月十四日據杭協副將陳世凱金協副將牟大寅江南狼山遊擊武榮等各塘報到臣該臣看得逆賊僞都督陳重帶領閩賊招集土寇僞總兵朱老四等共一萬五千餘人結巢金華之鄭店劫掠山口副將陳世凱牟大寅遊擊武榮都司姚世熙守備晉大忠隨征右都督阮述楊亨等率兵同副都統臣馬哈達石調聲統領官兵於九



月初十日直抵山口有賊三千餘人倚山列陣滿兵由左右兩路綠旗官兵由中路衝進殺敗賊衆連夜窮追於十一日至鄭店地方僞先鋒葉際卿協同僞總兵朱老四率賊五千餘人拒河列陣官兵渡河齊進三面夾勦陣斬多人賊敗奔竄乘勝追至後店濠溪壘固有賊七千餘人拒敵我兵三面奮擊自辰至未賊始大敗官兵連戰一晝夜三陣皆捷共斬賊五千餘人生擒一百六十名焚燬賊巢蓬廠二百餘處及糧草木馬等項得獲器械甚多除滿漢官兵勦賊情形見經將軍臣賴塔會疏具

題外查副都統臣滿字塘報綠旗在事有功官弁姓名  
未經全載但千把等官雖係微員同係奮勇爭先若  
不臚列上

聞無以鼓用命之心臣謹會同平南將軍都統臣賴塔合  
詞密

題伏乞

皇上睿鑒施行

康熙十三年九月十五日題奉

旨覽卿奏副將陳世凱等率領官兵於山口村鄭店地方  
三次殺敗逆賊擒斬甚多得獲器械等項具見調度有

方將士奮勇可嘉事平議敘已有旨了兵部知道

招撫投誠疏

總督浙江等處地方軍務兼理糧餉兵部右侍郎兼  
都察院右副都御史臣李之芳謹密

題爲招撫投誠以廣

皇仁事據衢州府知府王宏仁詳到臣該臣看得閩逆造  
亂一隅惟恃煽惑人心潛給偽制遂有無知之徒乘  
機嘯聚轉相勾引寔以衆多前衢州一帶逆賊號召  
四面聚合臣等會發官兵屢次搜剿杜澤大洲等處  
斬獲甚衆餘黨奔竄一面多發告示宣諭

朝廷浩蕩之恩開其悔悟自新之路據衢州府知府王宏

仁詳委照磨李嘉稷持牌前往招撫隨有偽叅將杜日葵率兵一百六十名器械一百六十件首先投順并願招撫餘黨臣賞以袍帽給與招撫牌勅令立功續據招到偽都司杜承盛偽千總李龍共帶兵十名投誠又循協汛防航埠等處把總馬伏秀等同該府差人招到偽遊擊鄭鼎彪帶兵九十一名投誠臣俱給賞袍帽宣布

皇恩安撫外查杜日葵繳有偽牌一紙據稱偽劄被官兵進剿失去但係率先歸順見在招撫餘黨似應授職以鼓向化之心杜承盛鄭鼎彪各繳有偽劄一張并

李龍統聽部議衢州府知府王宏仁照磨李嘉稷衛協把總馬伏秀署把總孟福等俱係招撫有功除偽票偽劄并投誠各兵分別入伍歸農造冊揭送兵部外臣謹會同平南將軍都統臣賴塔合詞具

題伏乞

皇上睿鑒

勅部議覆施行

康熙十三年十月十六日題奉

旨據奏知府王宏仁等招撫偽叅將杜日葵等率兵投誠可嘉着一併議敘具奏該部知道

請增設標兵疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲請增設臣標官兵以資進剿以備經制事承准奉命大將軍和碩康親王諭據浙江總督來啓我兵操四必勝之勢數月以來未卽蕩平總因兵少之故衢金台各處皆溪山仄徑勢必兼用步兵現在嚴紹有警竝須防禦惟有召募訓練一策擬於職標照提標之例添設前後二營竝增中左右三營共足五千之數以資策應進剿又金衢嚴紹各副將下俱應添足

二千名以守地方共應增四千八百五十四名等語  
但補授溫州等處總兵官兼招募兵丁之要務本親  
王現在議

奏該總督旣以標兵缺少宜應增添該督卽當奏

聞可也等因到臣該臣看得閩逆倡亂勾引叛兵土寇蔓  
延浙地今大兵雲集蕩平有期但各處皆係溪山險  
徑必須兼用步兵火器若非重兵合勢各道竝進則  
屯守日久多費糧餉臣自到衢以來率勵將士雖所  
至搜勦屢見克捷終因兵少戰守不能兼應原調集  
之兵并新設援勦鎮兵共有數千初則分發金華近



則分發嚴州此三府地方衢州富衝扼要爲全浙門戶金華堵禦溫處兩路嚴州接連徽饒二郡並屬咽喉之地各處賊兵皆報稱數萬每處官兵不及三千派防屬縣駐守府城聞警策應常苦不敷臣前同平南將軍臣賴塔會疏

題請蒙

皇上洞鑒綠旗兵少於江南調發五千來浙因台紹賊警盡數調往其金衢與嚴究未有兵增益查浙省經制原額尚缺萬數臣具啓康親王蒙諭設鎮募兵現在議

奏其臣標應添之兵令臣自行奏

聞臣標現設三營共兵二千八百五十名請增兵一百五十名以足每營一千之數再照提標之例增設前後二營各兵一千名臣標共有五千兵目前便於策應進剿俟恢復地方即可分撥駐守事平之日乃調作溫處各營原額是增兵不踰經制之外而援剿機宜克濟矣臣見在分行召募如蒙

俞允其應設官員容臣另疏

題補臣謹密

題伏乞

皇上睿鑒施行

康熙十三年十月二十四日題奉

旨戶兵二部會同速議具奏

金華十二里莊大捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲塘報大獲捷功事康熙十三年十一月十四日據援剿總兵官李榮總兵官陳世凱狼山營遊擊武榮各塘報到臣該臣看得閩逆勾連各路土寇漸逼金華謀截餉道臣不時申飭該鎮將竭力堵禦隨方策應屢據塘報擒殺賊衆多獲捷功在案茲據報僞都督徐尚朝等帶領閩賊及溫處叛兵并招集土寇馬步賊兵五萬餘衆逼近郡城屯紮意圖攻犯當經副

都統馬哈達石調聲及三等台吉察渾固山額真擺  
呀兒等同援勦總兵官李榮杭協副將今陞總兵官  
陳世凱委署遊擊晉大忠王世望武榮等各帶滿漢  
綠旗官兵於十一月初十日至十二里莊賊衆列陣  
對敵滿兵分左右兩翼綠旗兵丁居中衝殺復又另  
分三路官兵奮力追勦趕殺十餘里計陣斬賊二萬  
有餘陣斬僞遊守千把吳榮先等三十餘員生擒一  
百六十四名得獲器械等項塘報前來滿漢綠旗官  
兵同心奮勇大創賊氛斬獲甚衆總兵官李榮陳世  
凱身先士卒克奏膚功遊擊武榮王世望晉大忠都

司陳夢暘勇敢衝鋒所到獲捷在事人員並能効命  
立功臣謹密疏具

題伏乞

皇上睿鑒施行

康熙十三年十一月十五日題奉

旨覽卿奏逆賊侵犯金華副都統馬哈達石調聲三等台  
吉察渾都統巴牙爾總兵官李榮等率領官兵擊敗賊  
衆殺賊二萬有餘陣斬偽叅將遊擊等三十餘員得獲  
旗幟器械等項甚多具見調度有方將士奮勇可嘉在  
事有功人員事平議敘已有旨了該部知道

衢州衢溪前墓山大捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲飛報官兵大捷事康熙十三年十一月二十一日據標下中軍副將今陞總兵官王廷梅塘報到臣該臣看得聞逆自十月終旬四面會合逼犯衢城自清湖江山一路之賊屯劄西南一帶自常山一路之賊屯劄正西一帶沿河靠山連營三十餘里賊衆共有數萬自處州一路之賊屯劄東南一帶出沒窺伺滿漢綠旗官兵分佈要口嚴設堵禦今於十一月十九

日臣同平南將軍都統臣賴塔接知賊兵已至溝溪  
地方會議發兵從四路進剿隨密諭標下中軍副將  
今陞總兵官王廷梅同叅將范應元并都督僉事蔣  
懋勛等帶領官兵於本夜四更同滿洲官兵前赴溝  
溪前墓山等處逆賊連營數座列械迎敵鏖黃旗夸  
藍大禪布鑲紅旗夸藍大牛鉏鑲藍旗夸藍大科爾  
親正紅旗暫管噶布什叅領拜獨等領兵在左總兵  
官王廷梅叅將范應元都督僉事蔣懋勛遊擊朱知  
微守備高祿等領兵在右分路一齊奮勇衝擊連勝  
四陣追殺二十餘里共斬賊一萬有餘生擒五十三



名得獲紅衣大砲器械等項并偽關防劄付具報前來此皆仰賴

皇上洪福在事滿漢綠旗官兵奮勇用命大創賊氛今西路之賊已經潰敗臣等再行相機進剿外查綠旗官兵內總兵官王廷梅叅將范應元并伊子范永祚隨征都督僉事蔣懋勛身先士卒功績尤著竊惟官兵晝夜操甲防守月餘同心協力忘其勞苦咸思立功報効

朝廷得以乘間出奇奏此大捷在事人員忠勇昭著相應題報臣謹會同平南將軍都統臣賴塔合詞密疏具

題伏乞

皇上睿鑒施行

康熙十三年十一月二十四日題奉

旨據奏逆賊逼犯衛城卿同平南將軍賴塔發遣滿漢官兵擊敗賊衆擒斬一萬有餘得獲偽印劄盔甲器械等項甚多具見調度有方將士奮勇可嘉在事有功人員事平之日議敘具奏兵部知道

金華龍游報捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲塘報官兵獲捷事康熙十三年十一月二十一日據援剿總兵官李榮等各塘報到臣該臣看得金華賊寇連營逼犯先經滿漢綠旗官兵合力撲剿大創賊氛業經

題報臣一面飭行該鎮將并金衢各縣汛防官弁乘此賊兵大敗之後再行相機剿殺去後今又據報耿逆標下僞總兵張元兆等帶福建賊兵并土寇共二萬

餘衆在下阪壽溪地方創立營盤一十八座總兵官李榮陳世凱等同固山額真擺呀兒副都統臣馬哈達等及道府各官會商除留官兵防守郡城外固山額真擺呀兒副都統馬哈達總兵官李榮等各帶滿漢綠旗官兵於十一月十七日前至壽溪地方逆賊連營分隊迎敵我兵分爲一十八路奮勇前進逆賊負險拒戰官兵步行登山一齊攻殺賊遂奔潰追逐十餘里殺賊三千有餘內僞總兵張元兆并千把總等二十餘員生擒二十八名得獲僞關防劄付器械等項焚燬賊營一十八座又有賊寇一千五百餘在

龍游縣二十五都地方從金村源山臣標守備李和  
會同署龍游縣事嘉善縣縣丞盧燦江南提標把總  
翟顯等於十一月十五日帶領官兵埋伏要口出奇  
截殺賊衆敗潰追殺偽遊擊偽都司各一員偽隨征  
官并賊衆共五百七十餘員名生擒二十一名得獲  
器械甚多各具報前來滿漢綠旗官兵同心奮勇所  
向克捷臣謹密疏具

題伏乞

皇上睿鑒施行

康熙十三年十一月二十四日題奉

旨覽卿奏逆賊耿精忠下僞總兵張元兆等領賊兵二萬餘在金華府壽溪地方剽立營盤十八座副都統馬哈達都統拜牙兒總兵官李榮等統領官兵擊敗賊衆擒殺甚多陣斬僞總兵張元兆等二十餘員其賊十八營盤盡行燒燬得獲僞印劄器械等項具見調度有方將士奮勇可嘉在事有功人員事平議敘已有旨了其守備李和等在龍游縣地方殺敗賊衆擒斬甚多陣斬僞遊擊都司等得獲器械等項可嘉在事有功人員事平之日議敘具奏兵部知道

金華竹園村李宅馬澗報捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲塘報官兵獲捷事康熙十三年十一月二十五日據援剿總兵官李榮金協都司陳夢賜塘報到臣該臣看得金華賊寇連營逼犯先於十二里莊并壽溪地方等處撲剿情形業經

題報臣一面飭行該鎮將并各縣汛防官并再行偵撲剿殺去後今又據報僞總兵申士上等賊兵三千有餘屯劄金華二十五都竹園村地方總兵官李榮陳

世凱等同固山額真擺呀兒副都統馬哈達等會商除畱官兵防守郡城外三等台吉察渾副都統石調聲遊擊王世望武榮等各帶滿漢綠旗官兵於本年十一月二十一日至竹園村地方賊衆三千餘排列砲火前來迎敵官兵分路衝殺賊遂敗潰追逐五里斬賊一千有餘生擒僞守備一名賊衆二十二名得獲器械等項甚多又有僞張逆擊等糾集各山賊寇屯聚蘭谿六都季宅等處地方金協都司陳夢陽會同隨征都督阮述都督僉事陳義忠蘭谿縣知縣楊天機千把總喬承明李華等帶領官兵於十一月十



九日前至季宅遇賊三千有餘官兵奮勇衝殺生擒  
僞遊擊千總各一名殺賊二百有餘本日夜又據報  
賊衆萬餘在馬澗四山之上當分官兵一路攻取西  
山殺死僞守備千把總三名斬賊三百有餘焚燬窩  
棚五百有餘一路攻取北山殺死僞守備標官二名  
斬賊二百有餘燒燬草廩軍棚二百五十餘南山賊  
寇見西北兩山敗潰盡奔松山我兵合齊攻擊把總  
李華射死僞遊擊一名官兵斬賊八百有餘生擒四  
十七名焚燬窩棚木寨一千有餘三日之內山上山  
下力戰十餘次殺賊共二千有餘奪獲器械甚多除

堪用給兵外其餘一并焚燬等情各具報前來兩處官兵同心奮勇仰仗

皇上天威屢戰克捷所有在事有功人員相應

題報臣謹密疏具

題伏乞

皇上睿鑒施行

康熙十三年十一月二十八日題奉

旨據奏逆賊侵犯金華三等台吉察渾副都統石調聲等率領官兵於竹園村地方擊敗賊衆擒斬甚多又都司陳夢陽於季宅馬澗地方擊敗賊衆擒斬甚多具見調

度有方官兵奮勇可嘉在事有功人員事平之日議敘  
具奏兵部知道

蘭谿東葉山嚴州威平鎮捷功疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲彙報官兵獲捷事據援剿鎮總兵官李榮總兵官鮑虎塘報各到臣該臣看得賊寇分犯金嚴先於蘭谿松山等處官兵勦殺獲捷情形業經

題報臣一面飭行金嚴鎮將并各縣汛防官弁再行多方勦禦去後今又報蘭谿松山前敗餘賊復糾聚金浦東義四處來犯蘭谿援剿總兵官李榮據金協都司陳夢陽塘報隨經會商副都統臣馬哈達石調聲

等酌遣狼山營遊擊武榮前來策應該都司陳夢賜  
會同臣標隨征都督阮述都督僉事陳義忠蘭谿縣  
知縣楊天機等帶領官兵於十一月三十日南至東  
葉山地方遇賊萬餘官兵分路攻擊殺賊二百七十  
餘人活擒僞副將一名賊衆一十一名陣斬僞總兵  
一名賊衆又歸至第二座營盤正在攻打間適狼山  
營遊擊武榮帶領千總張居寶等馳至并力攻打殺  
賊三百八十有餘賊衆復敗奔第三座營盤官兵四  
面圍困奮勇齊登殺賊五百有餘將三座賊營并山  
上山下窩棚盡行焚燬陣獲器械甚多又有嚴屬賊

首汪匪石等分剽淳安之威平鎮梓桐源暨茶園等處訂期會合攻城嚴協副將今陞總兵官鮑虎帶領都司閻進等於十一月二十一日前至梓桐源有賊屯剽三營前來迎敵官兵奮勇衝殺斬擒僞總兵參遊守備一十一名生擒賊兵五十三名殺賊一千六百八十餘人官兵星夜前進至威平鎮賊兵拒河迎敵官兵奮勇直進斬擒僞參遊守備九名殺賊五百六十餘人生擒三十一人總兵官鮑虎親擒僞總統汪匪石一名并招撫僞副守千把及餘黨五百餘人見在查明安插等情各具報前來各路官兵奮勇用

命屢戰克捷嚴州賊首就擒招降餘黨可以剋日綏靖所有在事有功人員相應

題報臣謹密疏具

題伏乞

皇上睿鑒施行

康熙十三年十二月初十日題奉

旨覽卿奏逆賊侵犯蘭谿總兵官李榮遣發都司陳夢賜遊擊武榮等率領官兵於東葉山地方擊敗賊衆擒斬甚多陣斬偽總兵生擒偽副將等得獲器械等項具見調度有方將士奮勇可嘉在事有功人員事平之日議

敘具奏又總兵鮑虎於威平鎮地方擊敗賊衆親擒偽  
總統汪匪石招撫餘黨事平議敘已有旨丁兵部知道



金華積道山大捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲飛報官兵大捷事據援勦鎮總兵官李榮總兵官陳世凱塘報到臣該臣看得金華賊寇連營逼犯先經遣發官兵屢次獲捷情形業經

題報臣一面勉勵該鎮將再行偵探勦殺去後今又報僞都督徐尚朝僞總兵馮公輔陳耀陳元等調集溫處勁賊三萬土寇二萬餘屯劄金華積道山上下總兵官李榮等同固山額真擺牙兒副都統馬哈達等

會商除留官兵防守郡城外固山額真擺牙兒副都  
統馬哈達等總兵官陳世凱遊擊王世望武榮等帶  
領滿漢綠旗官兵於十二月初七日前至積道山下  
乘霧直抵賊營賊衆排列火炮對敵官兵分路奮勇  
正白旗擺牙喇叅領阿論同總兵官陳世凱首先砍  
斷木城寨柵率衆衝進賊寇大敗砍殺一萬五千有  
餘殺死賊官一百餘員生擒賊九十三名其偽總兵  
陳元等賊兵萬餘在積道山上仍排砲火迎敵官兵  
乘勝殺上賊不能支棄寨敗遁又殺逆賊五千有餘  
將山上下木城等項盡行焚燬又有偽遊擊以下賊

官二十四員賊兵六百九十二名被我兵圍住隨即  
招撫投降俱皆分別安插陣獲器械等項甚多等情  
具報前來滿漢綠旗官兵同心用命仰賴

朝廷洪福大創賊氛焚其巢穴招撫歸降功績昭著金華  
一路逆賊徐尚朝實爲渠首今剿殺賊衆幾盡可以  
剋期殄滅所有在事有功人員相應

題報臣謹密疏具

題伏乞

皇上睿鑒施行

康熙十三年十二月十四日題奉

三才圖會卷之二  
旨覽卿奏逆賊侵犯金華都統擺牙兒副都統馬哈達總  
兵官陳世凱等率領官兵於積道山二次擊敗賊衆攻  
破木城斬殺逆賊二萬有餘招撫僞官兵七百餘名得  
獲器械等項甚多具見調度有方將士奮勇可嘉事平  
議敘已有旨了兵部知道

嚴屬捷功恢復分水縣疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲彙報嚴屬官兵殺賊獲捷事據總兵官鮑虎分巡杭嚴道副使萬永祚塘報各到臣該臣看得逆賊分路侵犯嚴屬圖絕金衢餉道臣屢勉勵鎮將多方防勦去後今據報有逆賊二三萬屯劄遂安毛村地方先有三千餘賊出劄花石嶺一帶總兵官鮑虎率領都司閆進親男鮑輔仁等于總杜承蔭劉詔等於十二月初十日前至花石嶺地方分路出奇截擊自己

至未與賊鏖戰不退該鎮身先士卒抄賊後路各官兵奮勇齊上前後夾擊賊敗潰奔逃共斬賊一千六百七十餘名生擒偽副總都司各一名偽守備千總共五名生擒賊衆共九十三名得獲器械等項甚多又有賊寇流犯分水該縣官兵衆寡不敵於十二月初四日退割白沙嶺以待援兵杭嚴道副使萬永祚發兵赴援先經把總傅雲王鼎鉉等於十二月初六日分路攻打擒斬賊首范一相等五名斬賊數十名得獲器械官兵從東北二門殺進賊卽退遁恢復縣城都司趙得壽等領兵繼進追至九管溪地方陣斬

賊一十七名生擒二名又於該縣百港口及儒橋地方兩處勦殺共陣斬偽遊擊一名偽把總四名生擒偽千總三名計殺賊衆三百餘名生擒共四十六名得獲器械偽劄等情各具報前來臣查嚴屬賊寇連營逼犯官兵奮勇用命仰藉

朝廷洪福分路克捷所有在事有功人員相應

題報臣謹密疏具

題伏乞

皇上睿鑒施行

康熙十三年十二月二十四日題奉

旨覽卿奏逆賊分犯嚴屬地方總兵官鮑虎等率領官兵  
於花石嶺擊敗賊衆擒斬甚多生擒僞副將都司等又  
分水縣把總傅雲都司趙得壽等殺敗賊衆陣斬僞遊  
擊等得獲器械偽劄等項恢復縣城具見調度有方將  
士奮勇可嘉在事有功人員事平之日俱着議敘具奏  
兵部知道



請動餉銀購買戰馬疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲官兵急需戰馬請動餉銀購買以資進剿事據浙江布政司布政使陳秉直呈詳到臣該臣看得進剿逆賊所藉以衝鋒克敵者惟馬爲先全衛援剿鎮額設馬三百匹除於各營調撥二十八匹另聽該營購補外尙缺馬二百七十二匹各標鎮協營新增馬匹除見在給銀購買外尙有提定二標並衢嚴台協以及象山寧波嘉興各營共未買新馬九百四十四匹且

有失陷陣亡倒斃馬匹俱需補額據布政司詳議請  
勦見餉購買前來臣查尙有補設溫州平陽黃巖三  
鎮見在召募兵丁以資進勦定額馬一步九共需馬  
八百九十四匹臣標新設前後二營定額馬二步八共  
需馬四百匹并應速爲購買但向例各營買馬原俱  
動支朋扣銀兩今援勦鎮官兵新設未有朋銀扣貯  
其溫州等鎮未失陷以前雖有扣貯之數見今統算  
通省十二三年朋銀除先經動支及見發各營購  
補外餘銀無幾共計臣標四鎮並提定二標各協營  
新增未買之馬尙應二千五百餘匹無銀可動當此

征勦方殷戰馬刻難遲緩必須急爲購補庶可速奏  
膚功伏乞

皇上睿鑒准於不拘何項餉銀動支購買庶於進勦有裨  
臣謹會同總理糧餉侍郎臣達都署巡撫事布政司  
布政使臣陳秉直合詞密疏具

題伏乞

勅下該部議覆施行

康熙十三年十二月二十九日題奉

旨該部議奏

李文襄公奏疏卷二終